

無爲清靜長生真人至真語錄序

我聞道在域中所宜馴致仙居象外不可苟求故樂天詩云若非金骨相不列丹臺名非種百千劫善根得三五一真之氣安能至此境哉今長生子劉先生賦是相藉是名昔遇重陽王真人濟度點化出俗入道明識慧性了達疏通昨被宣詔見有詩曰昔年陝右先皇詔今日東萊聖帝宣再歲告歸官僚索詞云飄飄雲水徂東萊太微仙伴星冠士正似陳希夷昔承宋眷辭返華山詔答云玉堂金闕暫喜於來朝岫幌雲駟遽求於歸隱此二大士之不羈各一明朝之擅美蓋營道同耳易地則然自先生躬還故里觀住太微箋注諸經祖述三聖以文章踈放以道藏輯要

至真語錄

胃集四

翰墨嬉遊著編籍演教法遵釋氏重輕之戒造玄皇厭妙之門服宣父五常之行緝田宅發黎棗申申如也凡有述作競彫縷以流傳新視聽於眾庶諷誦於人口薰陶乎民風知見者歸依頑鄙者悛改一日先生門人徐李二師遠來垂訪過溪館入愚齋息杖履之勞餽水陸之味良久出示先生至真語錄一帙懇求序引義不復辭余乃洗心徧覽令人警戒覺悟頓欲割俗緣出業障邪始終列八十款問答踰一萬言包羅揆叙引證論評根天地之化迹陰陽之用示死生之說明禍福之報談真空之相懲貪嗔之欲以至苦樂之由情僞之作清濁之源高下之本若此者甚眾無不究竟皆引用黃老奧義斷之天下之事畢矣

可使眾生判疑歸正渙然冰釋爲鑿大昏之壟開靈照之戶一
齊解脫矣於是得超苦海登覺岸除三有五濁之穢證三昧一
空之因去十二類舊染之污受三千界更生之樂信出自真語
啓迪導化法緣所致也豈不偉與時泰和壬戌歲上元日漢澤
端城雙溪虛白道人韓士倩彥廣謹序

道藏輯要

至真語錄
序

齋

四
胃集四